立法會CB(2)1326/13-14(01)號文件

致退休保障事宜小組主席:

踏入 2014 年報紙話強積金話係 1 月份錄得回報率為負 2.43%。即係話今年平均每人蝕左 4,464 元,好唔掂,見到呢種情況,強積金不單只唔能夠做退休生活保障,已經係不爭事實,仲要將我地的打工仔的血汗錢去補貼私人投資市場, 搵笨到"加零一"。

近排財爺話要成立個乜鬼野"第日俾個官你做"的"末來基金"小時候唔識,唔通特區政府當我地三歲小孩,"末來基金"根本就是一張空頭支票簡直係一個騙局。

我有一個同學,家住豪宅,佢都擔心晚年,何況一個升斗市民,一個人到左老年,最擔心就係冇收入,就算你有積儲,『家有二千,每日二錢,全無生計,用得幾年』只要一場大病隨時令你"傾囊相授",俾晒D錢醫生。

中國人,積穀防飢係傳統美德,但係宜家特區政府強硬要市民洗晒的棺材本,先至可以申請"長生津"及"綜接",棺材都幾十萬一副啦!!!!, 咁點敬老同養老呀?

你地的高官成日話愛國,愛國,但係你地高官的行為根本就是破壞緊中國傳統美德,各位高官,**愛國洗鬼你教**咩!!!!!!! 大力催毀中國傳統美德,你地唔覺得醜咩?花無千日紅,高官也有機會變階下囚,及早為自己準備,早日促成"全民退休保障"晚年都可以有個保障,我係講緊你地D高官呀!!!!!!!

"全民退休保障"啟動基金都係區區僅 500 億,係我地社會年近古稀市民過往辛勞成果的回報,佢地唔係求乞,係應得的報酬,應得的答謝。宜家個 "第日俾個官你做基金"動輒千億,高官都講唔出係用泥做"乜傢伙",師出無名,己經證明特區政府"詞窮理屈"只會屈服於天朝,一個"三線"以下的官員"一句車毀人亡"一國兩制,就像一盤雞蛋擲晒落地,香港完蛋,!!!!!

多謝主席

利華樓互助委員會 主席 曾磊強

95%

29-4-2014立法會意見書發言稿